

Filemón

Pablo Filemo waĩcũgũre gojanũgarũ

¹ Yũhũ Pablo Jesucristo yagũ yũ árĩri dipuwaja peresugue árĩgũ iiaa. Yũhũ, mari acaweregũ Jesu yagũ Timoteo mera mũre Filemore gojabeoa gũa. Mũhũ gũa mahigũ Cristo yare gũare mohmetamugũ āhraa mũhũ. ² Eropirã Jesu yarã mũ ya wi gamenererã sãre gojabeoa gũa. Mari mahigo mari acawerego Jesu yago Apia sãre gojabeoa gũa. Arquipo sãre gojabeoa gũa. Arquipopũ gũa iro dopa Cristo yare weregũ āhrimi. ³ Eropirã Goãmũ mari Pagũ, mari Opũ Jesucristo mera mũare õadorea. Īgũ itamuri mera õaro árĩque mũa.

Filemo gajirãre ĩgũ mahire, Cristore ĩgũ umupeorire werepũ Pablo

⁴⁻⁵ Yũ acaweregũ, Filemo, mũre guña Goãmũre mũre serēbasamũraa. Eropa serēbasagũ “Õhaa,” arãa yũhũ ĩgũre. Cristore mũ mahicũ ĩgũre mũ umupeocũ gajirã Jesu yarãre mũ mahicũ peeabũ yũhũ. Eropigũ Goãmũre “Õhaa,” arĩ mucubiria. ⁶ Cristore mari umupeorire gajirãre weregũ āhraa mũhũ. Mũ eropa árĩgũ árĩcũ i sãre serēbasaa Goãmũre. Jesucristo yarã árĩrã wũaro õarire oparãca mari. Irire mũ opaburire õaro mũre masipehodoregũ serēbasaa Goãmũre. ⁷ Acaweregũ, gajirãre mũ mahicũ peegũ mucubiria yũhũ. Árĩpehrerã

Goãmũ yarãre õaro sĩporã turacũ iigu waĩcua mũhũ. Mũ eropa iicũ peegu mucubiria yũhũ.

Pablo Onésimo ya árĩburire serẽpũ Filemore

8-10 Eropigu dohpaguere Onésimore mũ pohro majagu árĩdigũre mũre serẽbasadiaa. Pere-sugue gũa árĩrã Cristo yare werebũ yũhũ ãgũre. Irĩre peegu Cristore gahmeami ãgũ. Eropigu ãgũ Goãmũ yagu wahámi. Eropa wagu yũ magũ iro dopa áhrimi. Eropigu yũ bugũ árĩgũ Cristo yare yũ buhera dipuwaja peresu árĩgũ mũre Onésimo mera werebeogũra ãgũre mũ iiburire. Cristo ãgũ buhedore ãgũ apidigu áhraa yũhũ. Eropa árĩgũ, árĩgũ ãgũre mũ iiburire mũre dorebu áhraa yũhũ. Eropa árĩgũ árĩqueregũ ta mũre doresome yũhũ. Mahiri mera mũre werebeogũra iripẽta.

11 Cristo yagu ãgũ árĩboro core Onésimo mũ pohro majagu árĩgũ duhpiibu árĩbiridigu árĩmi. Mũre õaro itamubiridigu árĩmi. Doh-pague tamerare yũre õaro itamugũ áhrimi. Mũ sãre õaro itamugũ árĩgũcumĩ. Dohpaguere bu árĩgũ gohra árĩbeami. 12 Eropigu dohpaguere ãgũre mũre wiagu iiaa. ãgũre turaro mahia. ãgũ yũ turaro mahigũre mũre wiagu iiaa. 13 ãgũre mũre wiabiricũ ãgũ yũ pohro dujaboñumi. Õari buherire yũ buheri dipuwaja peresu yũ árĩrisubu ãgũre yũre itamudoreboya yũhũ. Eropigu yũ mera dujadoreboya yũhũ. Mũpũ yũre itamumasibiricũ ãgũpũ mũre gohro-togũ árĩboñumi. 14 Eropa árĩquerecũ mũre wiagu iiaa ãgũre. Mũhũ ãgũre “Dujaque,” mũ arĩbeocũ, ãgũre dujadoreboya. Yũpũ mũre “Yũ

pohro ĩgure apique,” arđiabirica. Eropigu ĩgure mure wiagu iiaa. ¹⁵ ĩgu Onésimo mure bajamenurigā ĩgu mure duhrigāra pūhrū dipaturi mū mera árĳgucumi daja. ĩgu mure duhricū Goāmū gamero dopa ta wahabū, arĳ pepia yūhū, ĩgu Jesu yagu ĩgu árĳborore. Eropigu mū pohro árĳgu daja ōaro árĳniguigucumi. ¹⁶ Eropigu ĩgu dohpaguere mū pohro majagu gohra árĳbeami. Pohro majarā tauñariro árĳgu āhrimi ĩgu yū pepicūre. Dohpaguere ĩgu mū acaweregu Jesu yagu āhrimi. Eropigu ĩgure turaro mahia. Mūpū yū tauro ĩgure mahique. Mū eropa mahigu mū pohro majagu ĩgu árĳqueregu ta mū pohro majagu gohra árĳbeami ĩgu. ĩgu mū acaweregu Jesucristo yagu āhrimi.

¹⁷ Eropigu yūre mū bocatĳridiro dopa ta ĩgu sāre ōaro bocatĳrique. Mū mera majagu yū árĳcū ĩgu sāre ōaro bocatĳrique. ¹⁸ Eropigu gajiropa mure ĩgu iicū, mure ĩgu wajamogu árĳcū yūpū irire wajayegura. ¹⁹ Yūhū Pablo yū basi ire were gojagura: Yūpū wajayegura mure. Mure yū buhera pūhrū Cristo yagu mū wacū árĳpehrerinūri Goāmū mera árĳbu āhraa mūhū. Mure yū eropa buhera waja mū sā yūre wūaro wajamogu árĳboca. Mū eropa árĳquerecū ta mure wajayegura ĩgu mure wajamōre. ²⁰ Eropigu yū acaweregu, yū mahigu, mari Opū Cristo yagu āhraa mūhū. Mū eropa árĳgu Onésimore ōaro bocatĳrique. Cristo yagu árĳgu yū acaweregu āhraa mūhū. Eropa árĳgu, árĳgu yūre ōaro mucubiricū iique.

²¹ I yū wererare ōaro iigūca mūhū. Eropigu

yꝯ werera tauro iigꝯca mꝯhꝯ. Irire masigu mꝯre gojabeogꝯ iiaa. ²² I sãre weregꝯra mꝯre: Mꝯa pohrogue yꝯ waborore Goãmꝯre mꝯa serēbasarare ãgꝯ yꝯhribocumi. “Áꝯ,” ãgꝯ arĩcũ gahmea yꝯhꝯ. Eropigꝯ mꝯa pohrogue yꝯ ejaburi toẽre amuyuque mꝯhꝯ.

Pablo ðadoretpꝯ Filemõre

²³ Epafra mꝯre ðadoremi. ãgꝯpꝯ Cristo yare ãgꝯ iira dipuwaja yꝯ mera peresu árãgꝯ ãhrimi. ²⁴ Eropirã Marco, Aristarco, Dema, Luca yꝯ mera mꝯre ðadorema. Cristo yare yꝯ buhecũ erãpꝯ yꝯre itamurã ãhrima.

²⁵ Mari Opꝯ Cristo mera ðadorea mꝯare. ãgꝯ mꝯare ðaro iigꝯcumĩ. Eropa ta iiporo. Iripēta ãhraa.

Goãmu Yare Wereripu
Desano: Goãmu Yare Wereripu New Testament
copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022
17771afc-c309-57fd-9ff3-2d5a0cd59ff1